

**JAVNA USTANOVA
HISTORIJSKI ARHIV SARAJEVO
SARAJEVO**

Broj: 02-870-1/22
Sarajevo, 12.04.2022. godine

Na osnovu člana 22. Pravila Javne ustanove „Historijski arhiv Sarajevo“, broj 02-1222-3/21 od 17.06.2021. godine, a u vezi s članom 16. Uredbe o postupku prijema u radni odnos u javnom sektoru na teritoriji Kantona Sarajevo („Službene novine Kantona Sarajevo“, broj 19/21), te člana 24. Pravilnika o radu Javne ustanove „Historijski arhiv Sarajevo“, broj 02-1222-5/21 od 17.06.2021. godine, na prijedlog Komisije za provođenje postupka prijema u radni odnos imenovanu Odlukom direktora, broj 02-225-1/22 od 02.02.2022. godine, nakon uvida u Listu uspješnih kandidata direktor donosi

O D L U K U
o prijemu u radni odnos

Član 1.

Nedim Fazlić, SSS, IV stepen, prima se u radni odnos na radno mjesto arhivski tehničar, na neodređeno vrijeme.

Član 2.

Sa izabranim kandidatom Nedimom Fazlićem, po konačnosti Odluke, zaključit će se ugovor o radu na neodređeno vrijeme.

Član 3.

Odluka stupa na snagu danom donošenja.

O b r a z l o ž e n j e

Odlukom Upravnog odbora Javne ustanove „Historijski arhiv Sarajevo“, broj 02-144-4/22 od 24.01.2022. godine i broj 02-398-2/22 od 23.02.2022. godine, a po prethodno pribavljenoj saglasnosti Vlade Kantona Sarajevo, Odluka, broj 02-04-47014-25/21 od 23.12.2021. godine raspisan je Javni oglas za prijem u radni odnos, arhivski tehničar, SSS, na neodređeno vrijeme, jedan izvršilac, sa navedenim posebnim uslovima, koji je objavljen u dnevnom listu „Oslobođenje“ 07.03.2022. godine, te na internet stranicama Ministarstva kulture i sporta Kantona Sarajevo: www.mks.gov.ba, JU Historijski arhiv Sarajevo: www.arhiv.sa.ba, Službe za zapošljavanje Kantona Sarajevo: www.szk.ba i na oglasnoj tabli JU Historijski arhiv Sarajevo.

Komisija za provođenje postupka prijema u radni odnos, imenovana Odlukom direktora, broj 02-225-1/22 od 02.02.2022.godine, konstatovala je da je na Javni oglas za navedeno radno mjesto prijavu dostavilo 8 (osam) kandidata od kojih su dvije prijave odbačene kao nepotpune, a kandidati blagovremeno obaviješteni. Jedan kandidat je odustao od daljnjeg dijela postupka prijema.


Komisija je sačinila kriterije i način bodovanja kandidata te organizovala pismeni i usmeni ispit o čemu su kandidati bili blagovremeno obaviješteni. Pismeni ispit je održan 30.03.2022. godine, a usmeni ispit 05.04.2022. godine.

Ispit je polagalo ukupno pet kandidata i to: Sanjin Bejtović, Dževad Čutuk, Nedim Fazlić, Merima Čorić, Mirza Omerović.

Komisija je nakon obavljenog usmenog ispita objavila Listu uspješnih kandidata za radno mjesto „arhivski tehničar“ na neodređeno vrijeme te dostavila direktoru Javne ustanove „Historijski arhiv Sarajevo“ u dalju proceduru.

Obzirom da je postupak prijema u radni odnos arhivskog tehničara na neodređeno vrijeme, jedan izvršilac proveden u skladu sa odredbama Uredbe o postupku prijema u radni odnos u javnom sektoru na teritoriji Kantona Sarajevo („Službene novine Kantona Sarajevo“, broj 19/21), na koji supervizor, imenovan od strane Ureda za borbu protiv korupcije i upravljanje kvalitetom, rješenje, broj 20-30-2839-4/22 od 16.02.2022. godine nije imao primjedbi, te da izabrani kandidat, Nedim Fazlić, ispunjava uslove tražene Javnim oglasom i da se nalazi na poziciji 1. Liste uspješnih kandidata, donesena je Odluka kao u dispozitivu.

POUKA O PRAVNOM LIJEKU: Protiv ove Odluke može se uložiti prigovor Upravnom odboru u roku od 8 (osam) dana od dana prijema Odluke.



Dostavljeno:

- Nedim Fazlić
- kandidatima koji su učestvovali u javnom oglasu
- Lista uspješnih kandidata sa bodovima
- a/a